

23/04 IRIZPENA

Mari Tere Ojanguren, jarduneko
presidentea
Begoña Cabria
Aitor Idigoras
Lierni Lizaso
Eduardo Ubieta
Lourdes Villardón
Eva Blanco, idazkari Teknikoa

Euskadiko Eskola Kontseiluaren Batzorde Iraunkorraren 2023ko urtarrilaren 26ko urrutiko bilkuran bazterrean aipatutako kideak parte hartu zuten. Batzorde horrek adostasunez eman du ondoko irizpena: **lanbide espezializazioko hiru programa ezartzen dituen Agindu proiektuari buruzkoa.**

I. AURREKARIAK

Lanbide Heziketan Antolamendu eta Integrazioari buruzko martxoaren 31ko 3/2022 Lege Organikoak, Lanbide Heziketari eta Kualifikazioei buruzko ekainaren 19ko 5/2002 Lege Organikoa indargabetu duenak, lanbide-heziketako sistema bakar eta integratu bat eratzea eta antolatzea du helburu.

Lan esparruan, Autonomia Estatutuaren 12.2 artikulua dioen bezala, Euskal Autonomia Erkidegoko Administrazio Orokorrek dauka Estatuko legeria betearazteko eskumena, batez ere langileen kualifikazioa eta prestakuntza integrala sustatuz.

Otsailaren 26ko 32/2008 Dekretuak -Lanbide Heziketako Hezkuntza Sistemaren antolamendu orokorra ezartzen duena eta otsailaren 2ko 14/2016 Dekretu bidez aldatu zena- Euskadiko lanbide espezializazioko programak ezartzen ditu, Lanbide Heziketaren esparruan, eta beren balioa aitortzen eta akreditatzen du indarrean dagoen araudi markoaren barruan.

4/2018 Legean, ekainaren 28koa, Euskal Autonomia Erkidegoko Lanbide Heziketari buruzkoa, V. Kapituluan Lanbide Kualifikazio eta Espezializazioen euskal esparrua ezartzen du, gure lan-merkatuari erantzun ahal izateko, lanbide heziketako sistema orokorraren bidez.

II. EDUKIA

Dekretu proiektu honek hamaika artikulua dauzka, xedapen gehigarri bat eta azken xedapen bat. Era berean, eranskinetan jasota daude lanbide espezializazioko hiru programen egiturak.

1. artikulua dio arauaren xedea programak erregulatzea dela, eta arauaren xede diren programak zerrendatzen ditu. Programa horiek eranskinetan garatzen dira.

- I. eranskina: JAVA Teknologia.
- II. eranskina: Zurezko pieza eta elementuen fabrikazioa zur biribila erabiliz
- III. Eranskina: Ontziolako zurgintza.

2. artikulua lanbide espezializazioko programen xedea azaltzen du.

3. artikulua programa horien garapena ezartzen du, jarduera txandakatuz lanbide heziketako zentroyen eta enpresen artean.

4. artikulua eskaintzaren baldintzak eta baimenak zehazten ditu.

5. artikuluan arautzen da heziketa-zentroyen eta enpresen arteko akordioak formalizatzeko prozedura.

6. artikuluan zehazten dira enpresa parte-hartzaileek bete beharreko baldintzak eta betebeharrak eta 7. artikulua, irakasle emaileen betekizunak.

8. artikulua ikasleen egoera enpresan dauden bitartean eta kostuaren finantzaziazioa zehazten du.

9. artikulua programen aseguruari buruzkoa da.

10. artikuluan ikastetxe baimenduek garatu beharreko programazioak arautzen dira, eta

11. artikulua ebaluazio eta ziurtagiriak emateko prozedura.

Lehen xedapen gehigarria irakaskuntza-hizkuntzei buruzkoa da.

Azken xedapenak dio noiz sartuko den indarrean agindua.

III. BALORAZIOAK

Kontseiluak ondorengo irizpenetan eman zituen espezializazio profesionaleko programak eta horiek baimentzeko eta irakasteko baldintza orokorrak ezartzen dituen proiektuari buruzko iritzia. (16/03 Irizpena, 18/06 Irizpena 19/01 Irizpena, 20/02 Irizpena, 21/01 Irizpena eta 22/04 irizpena).

Agindu proiektu honek aipatutako hiru programen egitura onartzen du: JAVA Teknologia; Zurezko pieza eta elementuen fabrikazioa zur biribila erabiliz eta Ontziolako zurgintza.

32/2008 Dekretuan ezarritako baimentzeko eta irakasteko baldintzak, (14/2016, otsailaren 2ko Dekretuak aldatua) errepikatzen dira.

Eranskinetan azaltzen diren programak aipatutako Dekretuko atalak eta egitura jasotzen dituzte.

Arautegian eta zioen adierazpenean jasota denez, “Halaxe ziurtatutako programek, edonola ere, ez dute titulu edo ziurtagiri akademikoa, lanbide-ziurtagiria edo ziurtagiri partzial metagarria emango, eskumen horiek Kualifikazio Profesionalen Katalogo Nazionalean sartzen ez diren bitartean”.

Kontseiluak ez dauka eragozpenik programa horiek arautzeko, eta espero du beren helburua beteko dutela, hau da, pertsonen enplegarritasuna hobetzea. Horregatik eskatzen du egin dadila emaitzen jarraipena eta ebaluazioa.

Irizpen hau zure erabakiaren menpean geratzen da.

Bilbon, 2023ko urtarrilaren 26an

IDAZKARI TEKNIKOA

Sin.: Eva Blanco Ochoa

Ikus-Onetsia

JARDUNEKO PRESIDENTEA

Sin.: M^a Teresa Ojanguren Villalabeitia

HEZKUNTZA SAILBURUA